

სასტიპენდიო პროგრამა ჩეხეთში 2026-2027

1. პროგრამის აღწერა

„სასტიპენდიო პროგრამა ჩეხეთში 2026-2027“ (შემდგომში „პროგრამა“) წარმოადგენს ბილათერალურ სასტიპენდიო პროგრამას, რომლის საფუძველია 2017 წელს გაფორმებული შეთანხმება საქართველოს განათლებისა და მეცნიერების სამინისტროსა და ჩეხეთის რესპუბლიკის განათლების, მეცნიერების, ახალგაზრდობისა და სპორტის სამინისტროს შორის განათლებისა და მეცნიერების სფეროში თანამშრომლობის შესახებ და ჩეხეთის რესპუბლიკის განათლების, ახალგაზრდობისა და სპორტის სამინისტროს პროგრამა „2026-2027 აკადემიური წლის სტიპენდიები საქართველოდან წარდგენილი აპლიკანტებისთვის“.

პროგრამა ითვალისწინებს მოკლე ან საშუალოვადიანი სასწავლო/კვლევითი/აკადემიური ვიზიტების დაფინანსებას ჩეხეთის რესპუბლიკის საჯარო უმაღლეს საგანმანათლებლო დაწესებულებებში და არ გულისხმობს სრული აკადემიური უმაღლესი განათლების პროგრამის დაფინანსებას.

საქართველოს განათლების, მეცნიერებისა და ახალგაზრდობის სამინისტრო (შემდგომში „სამინისტრო“) უზრუნველყოფს სტიპენდიაზე ნომინირების პროცესს. ჩეხეთის რესპუბლიკის განათლების, მეცნიერების, ახალგაზრდობისა და სპორტის სამინისტრო – კონკურსში გამარჯვებული კონკურსანტების სტიპენდიით დაფინანსებას.

2. მიზნობრივი ჯგუფი

საქართველოს მოქალაქეები – საქართველოს უმაღლესი საგანმანათლებლო დაწესებულებების აქტიური სტუდენტური სტატუსის მქონე სტუდენტები, აგრეთვე ლექტორები და მკვლევრები.

3. ჩეხეთის უნივერსიტეტში ჩარიცხვა და სტიპენდიის მინიჭება

სასტიპენდიო პროგრამაზე განაცხადები მიიღება ნებისმიერი სასწავლო და კვლევითი მიმართულებით. სტიპენდიაზე დაშვების შესახებ გადაწყვეტილებას იღებენ ჩეხეთის შესაბამისი უნივერსიტეტები/ფაკულტეტები. ჩარიცხვის წესებსა და პირობებს, ისევე, როგორც სწავლების ენასთან დაკავშირებით მოთხოვნებს, განსაზღვრავს მასპინძელი უნივერსიტეტები.

2026-2027 აკადემიური წლისთვის ჩეხეთის სასტიპენდიო პროგრამა ითვალისწინებს

- მოკლე და საშუალოვადიან სტიპენდიებს საბაკალავრო, სამაგისტრო და სადოქტორო საფეხურების სტუდენტებისთვის ყველა მიმართულებით (სასწავლო ვიზიტის ხანგრძლივობა განისაზღვრება 2-დან მაქსიმუმ 9 თვემდე ვადით თითოეული კონკურსანტისთვის. სასწავლო ვიზიტების ჯამური ხანგრძლივობა არ უნდა აღარაბეჭდეს 24 თვეს).
- კვლევით სტიპენდიებს უნივერსიტეტის ლექტორებისა და მკვლევრებისთვის (თითოეული კვლევითი ვიზიტის ხანგრძლივობა არ უნდა აღარაბეჭდეს 1 თვეს, ხოლო მათი ჯამური ხანგრძლივობა - 2 თვეს).

სტიპენდიით სარგებლობის პერიოდია 2026 წლის სექტემბრიდან 2027 წლის ივნისი-ივლისამდე. ჩეხეთის რესპუბლიკის უმაღლეს სასწავლებლებში შემოდგომის სემესტრი ჩვეულებრივ გრძელდება სექტემბრიდან იანვრამდე, ხოლო გაზაფხულის სემესტრი – თებერვლიდან ივნისამდე.

4. დაფინანსების ოდენობა და პირობები

- სტიპენდია

სასწავლო ვიზიტის ფარგლებში ბაკალავრიატისა და მაგისტრატურის სტუდენტები შესაბამის საფეხურზე სწავლის პერიოდში მიიღებენ სტიპენდიას ყოველთვიურად 12,000 კრონის ოდენობით, ხოლო სადოქტორო პროგრამის სტუდენტისთვის გამოყოფილი სტიპენდია შეადგენს თვეში 13,000 კრონს. სტიპენდიის მინიჭების შესახებ კონკურსანტებს ეცნობებათ ჩეხეთის რესპუბლიკის

განათლების, ახალგაზრდობისა და სპორტის სამინისტროს გადაწყვეტილებით. სტიპენდია განკუთვნილია საყოფაცხოვრებო ხარჯების, მათ შორის საცხოვრებლის საფასურის, დასაფარად.

ყველა დარგის მკვლევარი და ლექტორი, რომლებიც მიწვეული იქნებიან კვლევითი ვიზიტებისთვის, დღეში მიიღებენ 851 კრონს კვებისა და პირადი ხარჯისთვის. ჩეხეთის რესპუბლიკის განათლების, ახალგაზრდობისა და სპორტის სამინისტროს მიერ ორგანიზებული ან/და ანაზღაურებული იქნება სტუდენტური რეზიდენცია/სასტუმროს ტიპის საცხოვრებელი.

- *სტიპენდიის გამოყენების წესი*

სტიპენდია განკუთვნილია მხოლოდ ერთი ადამიანის ცხოვრების ხარჯების დასაფარად და არ გულისხმობს შესაძლო თანმხლები ოჯახის წევრებისთვის რაიმე დამატებით ფინანსურ დახმარებას (ოჯახის წევრის თანხლება ნებადართული უნდა იყოს მიმღები მხარის, ანუ ჩეხეთის რესპუბლიკის განათლების, ახალგაზრდობისა და სპორტის სამინისტროს მიერ).

სტიპენდიის მოპოვება არ წარმოადგენს კონკურსანტის იურიდიულ უფლებამოსილებას, ასევე დაუშვებელია მიღებული სტიპენდიის გადაცემა სხვა პირისთვის.

სტიპენდიას იღებენ ჩეხეთის მიმღები უნივერსიტეტის შესაბამის დეპარტამენტში (ჩვეულებრივ სასწავლო განყოფილებაში) (თუ სხვაგვარად არ არის შეთანხმებული). ნებისმიერი სხვა გადასახადი, როგორცაცაა სტუდენტური კავშირის საფასური, ბიბლიოთეკის წევრობის საფასური და ა.შ., ეკისრება სტიპენდიის მფლობელს.

- *საცხოვრებლით უზრუნველყოფა (ვრცელდება ბაკალავრიატისა და მაგისტრატურის სტუდენტებზე):*

მოთხოვნის შემთხვევაში მასპინძელი დაწესებულება უზრუნველყოფს სტიპენდიის მფლობელის განთავსებას საერთო საცხოვრებელში ან უნივერსიტეტის პანსიონში. განაცხადი სტუდენტთა საერთო საცხოვრებელში დაბინავების შესახებ წარმოდგენილი უნდა იყოს ჩეხეთის ონლაინგანაცხადში. დაინტერესებულ კონკურსანტებს აღნიშნულ საკითხთან დაკავშირებით დახმარებას გაუწევენ ჩეხეთის შესაბამისი უმაღლესი საგანმანათლებლო და კვლევითი დაწესებულებების საერთაშორისო ურთიერთობების სამსახურის თანამშრომლები. გარდა ამისა, უცხოელ სტუდენტებსა და მკვლევრებს თავად შეუძლიათ იქირაონ საცხოვრებელი. განთავსების ხარჯებს ფარავს სტიპენდიატი, გარდა კვლევითი სტიპენდიის მფლობელებისა (ლექტორები და მკვლევრები).

- ჩეხეთის რესპუბლიკაში გამგზავრების (ასევე ჩეხეთის რესპუბლიკის ტერიტორიაზე გადაადგილების) და უკან დაბრუნების ხარჯები უნდა დაფაროს სტიპენდიატმა.

5. განაცხადების წარმოდგენის წესი

2026-2027 აკადემიური წლისთვის ჩეხეთის სასტიპენდიო პროგრამაში მონაწილეობის მისაღებად კანდიდატმა უნდა წარმოადგინოს პროგრამის შესაბამისად მოთხოვნილი დოკუმენტაცია (შედგენილი ინგლისურ ენაზე ან ოფიციალურად თარგმნილი დედანთან ერთად) ელფოსტაზე: studyabroad@mes.gov.ge

სასწავლო და კვლევითი ვიზიტების დასაფინანსებლად წარსადგენი დოკუმენტაცია

ა) საბაკალავრო და სამაგისტრო საფეხურის სტუდენტებისთვის:

1. რეზიუმე/CV;
2. სამოტივაციო წერილი;
3. უმაღლესი საგანმანათლებლო დაწესებულების მიერ გაცემული დიპლომი და დიპლომის დანართი, ხოლო აქტიური სტუდენტური სტატუსის მქონე კონკურსანტებმა უნდა წარადგინონ ოფიციალური ცნობა აქტიური სტუდენტური სტატუსის შესახებ და ნიშნების ფურცელი (დოკუმენტი წარმოდგენილი უნდა იყოს ინგლისურ ენაზე, თარგმანი – დამოწმებული სანოტარო წესით);

4. ერთი სარეკომენდაციო წერილი საქართველოს უმაღლესი საგანმანათლებლო დაწესებულებიდან (გაცემული ბოლო ექვსი თვის განმავლობაში);
5. ჩეხური ენის ცოდნის დამადასტურებელი სერტიფიკატის ასლი (ან სხვა ენის, რომელიც მისაღებია მასპინძელი დაწესებულებისთვის, სასურველია ინგლისური);
შენიშვნა 1. ჩეხური ენის ცოდნა CEFR-ის B2 დონეზე არის დაშვების წინაპირობა მრავალ აკადემიურ მიმართულებაზე, თუ სხვა რამ არ არის განსაზღვრული. ჩეხური ენის ცოდნა CEFR-ის C1 (C2) დონეზე შესაძლოა მოთხოვნილი იყოს ზოგიერთი სახელოვნებო აკადემიის პროგრამისთვის; დამატებითი ინფორმაციისთვის გთხოვთ, დაუკავშირდეთ შერჩეულ უნივერსიტეტს/აკადემიას.
შენიშვნა 2. მიიღება TOEFL, IELTS, CPE ან ინგლისური ენის ცოდნის დამადასტურებელი სხვა ფართოდ აღიარებული სერტიფიკატები. თუ კანდიდატი არ ფლობს არცერთ სერტიფიკატს, მაშინ მისაღები იქნება ხელმოწერილი წერილი საქართველოს უნივერსიტეტის ინგლისური ენის პროფესორისგან, რომლითაც დადასტურდება კონკურსანტის ენის ფლობის დონე;
6. პასპორტის ასლი;
7. ჩეხეთის რესპუბლიკის უმაღლეს სასწავლო დაწესებულებაში მიღების შესახებ ოფიციალური დოკუმენტი/მოწვევის წერილი (არსებობის შემთხვევაში).

ბ) სადოქტორო საფეხურის სტუდენტებისთვის სასწავლებლად/კვლევითი საქმიანობისთვის:

1. რეზიუმე/CV და სამეცნიერო პუბლიკაციების ჩამონათვალი;
2. სამოტივაციო წერილი და კვლევის გეგმა ჩეხეთის რესპუბლიკაში კვლევითი სამუშაოსთვის (მაქს. 3 გვერდი);
3. მაგისტრის დიპლომის (მათ შორის ნიშნების ფურცელი) ან დოქტორის დიპლომის (ასეთის არსებობის შემთხვევაში) ნოტარიულად დამოწმებული ასლები;
4. ერთი სარეკომენდაციო წერილი საქართველოს უმაღლესი საგანმანათლებლო დაწესებულებიდან (გაცემული ბოლო ექვსი თვის განმავლობაში);
5. ჩეხეთის რესპუბლიკის მასპინძელი უმაღლესი სასწავლო დაწესებულებიდან მიღების შესახებ ოფიციალური ცნობა/მოწვევის წერილი; წერილი უნდა შეიცავდეს ინფორმაციას კვლევისთვის შერჩეული სფეროს შესახებ;
6. პასპორტის ასლი.

ნომინირების პროცესი

სამინისტრო სტიპენდიაზე ნომინირების მიზნით ჩეხეთის მხარეს 2026 წლის 13 მარტის ჩათვლით წარუდგენს ინფორმაციას კონკურსანტთა შესახებ, რომლებიც ამ პროგრამით განსაზღვრული ვადებისა და მოთხოვნების შესაბამისად წარმოადგენენ სრულყოფილ განცხადებებს.

ნომინირების შემდგომ კონკურსანტებმა უნდა გააკეთონ განაცხადი სასტიპენდიო პროგრამაზე ჩეხეთის რესპუბლიკის განათლების, მეცნიერების, ახალგაზრდობისა და სპორტის სამინისტროს ელექტრონულ სააპლიკაციო სისტემაში <https://studijnavs.gov.cz/cr> 2026 წლის 15-31 მარტის ჩათვლით. განაცხადი უნდა შეივსოს ჩეხურ ან ინგლისურ ენაზე და უნდა ახლდეს სამინისტროს ელფოსტაზე წარმოდგენილი დოკუმენტები (შევსებული ინგლისურ ან ჩეხურ ენაზე ანდა თარგმნილი რომელიმე ამ ენაზე).

6. საკონკურსო ვადები

- განაცხადები მიიღება 2026 წლის 26 თებერვალს, 17:00 საათამდე, ელფოსტაზე: studyabroad@mes.gov.ge
- განაცხადების ტექნიკური შემოწმება – განაცხადების მიღების ვადის დასრულებიდან არაუმეტეს 5 სამუშაო დღისა;
- ხარვეზის გასწორება – ხარვეზის შესახებ შეტყობინების მიღებიდან არანაკლებ 5 სამუშაო დღისა.

- კონკურსანტთა ნომინირება – არაუგვიანეს 2026 წლის 13 მარტისა.
- საკონსულტაციო ონლაინშეხვედრები:
 - 11 თებერვალი, 2026; დრო: 14:00 საათი
<https://us05web.zoom.us/j/85011019000?pwd=rZGQLmVGghzhprcXcDLkAbw6gg8l9J.1>
 - 23 თებერვალი, 2026; დრო 14:00 საათი
<https://us05web.zoom.us/j/89410126964?pwd=zCDVTdisq0cDqr6V4AtXamKAmoFOqr.1>

ნომინირებული კონკურსანტი ვალდებულია დარეგისტრირდეს ჩეხეთის განათლების, ახალგაზრდობისა და სპორტის სამინისტროს ელექტრონულ სისტემაში (<https://studujnavs.gov.cz/cr>) არაუგვიანეს 2026 წლის 31 მარტისა.

კონკურსანტებს სტიპენდიის მოპოვების შესახებ ჩეხეთის განათლების, ახალგაზრდობისა და სპორტის სამინისტროს მხრიდან ეცნობებათ ელექტრონული სააპლიკაციო სისტემის მეშვეობით:

- სტიპენდიის მინიჭების შესახებ ინფორმაცია ხელმისაწვდომი იქნება 2026 წლის 31 ივლისამდე.
- კვლევითი ვიზიტისათვის სტიპენდიის მინიჭების შესახებ ინფორმაცია ხელმისაწვდომი იქნება დაგეგმილ კვლევით ვიზიტამდე არაუგვიანეს 30 დღით ადრე.

საკონტაქტო ინფორმაცია:

ჩეხეთის რესპუბლიკის განათლების, ახალგაზრდობისა და სპორტის სამინისტრო – მარიე ტალტინოვა Marie.Taltynova@msmt.gov.cz

საქართველოს განათლების, მეცნიერებისა და ახალგაზრდობის სამინისტრო – studyabroad@mes.gov.ge